

UNIVERSITI SAINS MALAYSIA
Peperiksaan Semester Pertama
Sidang 1987/88

HIA 101 - Pengantar Islam

Tarikh: 5 November 1987

Masa: 2.15 ptg. - 5.15 ptg.
(3 jam)

ARAHAN:

- Pilih dan jawab TIGA(3) soalan.
- Teliti dan fahamkan semua soalan yang diberikan, sebelum anda memilih tiga soalan yang akan anda jawab. Kemudian telitikan pula kehendak-kehendak yang terkandung di dalam soalan pilihan anda.
- Agihkan masa dengan bijak, supaya anda dapat menjawab soalan-soalan pilihan anda dengan baik.
- Kemukakan dalil-dalil Al-Quran dan Hadith di dalam jawapan anda. Anda mesti memenuhi syarat ini.

1. Berdasarkan petikan di bawah, jawab soalan-soalan berikut:

"Satu Tuhan telah ditemukan Eropah dewasa ini, iaitu ilmu pengetahuan, sedangkan Tuhannya yang lama, mereka campakkan." [Semerset Mugham (terj.)]

- (a) Tunjukkan dengan jelas, tiga aliran pemikiran utama yang melanda masyarakat Eropah sehingga melahirkan pernyataan di atas.
- (b) Mengapakah dikatakan kajian agama itu adalah bersifat klasik dan unik?
- (c) Apakah kesan jangka panjang, yang diterima oleh agama, hasil dari pertarongan agama dan akal, seperti yang digambarkan di dalam pernyataan di atas?

2. Perkataan Al-Islam berasal dari kata dasar As-la-ma. Kata dasar ini mempunyai pengertian yang penting dalam konsep penghayatan Islam sebagai suatu sistem hidup. Huraikan dengan dalil-dalil yang kuat soalan berikut:
 - (a) Apakah maksud pernyataan di atas dari sudut penyerahan dan ketaatan manusia kepada Allah.
 - (b) Bezakan dengan jelas, pemakaian istilah agama secara umum, dan istilah ad-Din yang disandarkan kepada perkataan Islam.
 - (c) Sistem hidup Islam itu lebih teguh, mantap dan sempurna jika dibandingkan sistem-sistem ciptaan fikiran manusia, mengapa?

3. Aqidah Islam bermula dengan pengucapan dan keyakinan terhadap kalimah syahadah. Pengaruh syahadah, amat besar dalam sistem hidup Islam. Soalannya:
 - (a) Berikan pengertian Aqidah dan Syahadah.
 - (b) Huraikan dengan dalil-dalil yang jelas, apakah yang dimaksudkan dengan mengenal Allah secara Ijmal (ringkas) dan secara tafsil (terperinci).
 - (c) Allah itu Esa (Wahdaniat) dan Allah itu Berkuasa (Qudrat), jelaskan.

4. Seluruh ajaran yang terkandung di dalam Al-Quran, menghurai dan menjelaskan pengertian Islam sebenarnya. Al-Quran adalah sumber terbina dan terlaksananya sistem Islam. Soalannya:
 - (a) Kemukakan tiga(3) hujah yang membuktikan kebenaran pernyataan di atas.
 - (b) Apakah bukti-bukti yang kuat, yang dapat membuktikan kesahihan dan ketulenan Al-Quran?
 - (c) Bagaimana bentuk hubungan di antara Al-Quran dan Hadith?

5. Syari'at Islam mampu memelihara sifat-sifat tabii (fitriah) manusia dan alam. Ia lebih sempurna, kemas dan sesuai untuk semua manusia. Soalannya:
 - (a) Buktikan kebenaran fakta di atas dengan hujah-hujah yang tepat.

- (b) Apakah peranan ibadah khusus dalam pembentukan keperibadian manusia?
 - (c) Mengapa perlu beraqad dalam syariat jual-beli?
6. Pilih dan jawab tiga(3) soalan berikut:
- (a) Huraikan empat(4) sebab mengapa agama berjaya menjadi dasar atau asas pembinaan tamadun manusia.
 - (b) Undang-undang jenayah di dalam Islam, mempunyai kekuatan yang terjamin, untuk menyekat pembiakan jenayah. Mengapa?
 - (c) Apakah maksud menyeru dan menegakkan yang ma'aruf (baik) dan mencegah yang mungkar (jahat).
 - (d) Kebahagiaan keluarga mesti berorientasikan suasana iman, jelaskan.
 - (e) Huraikan kaedah-kaedah yang kukuh, untuk membentuk akhlak, mengikut pendekatan Islam.

-ooo000ooo-